

- **Plante man bae oli save sovaev long hedkwek**

No mata we man isave laef after wan hedkwek, be yumi mas waj aot long sunami we bae I folem. Hemia nao bae I save kilim plante mo man bitim hedkwek we I hapen.

- **Ting hevi mo obei long ol saen we I hapen bifo long wan sunami**

Ol saen we isave kamaot bifo wan sunami hemi: bae yu harem hedkwek or kraon I seksek, , wan strong noise, solwota I drae bitim nomol mak blong hem; ol animol oli krae or givim ol difren saen we I no nomol.

- **Ting hevi mo obey long ol woning we I kamaot long radio or dipatment blong Meteo mo Geo-hazad**

No tekem ol woning olsem samting nating or tingting se inomo kat denja.

- **Expectem fulap wev bae I kam**

Nekis wev we I kam bae I save bitim fes wev mo sunami isave stap long taem, ova long plant haosa.

- **Muv iko long ples we I sef**

Muv iko long ples we I hae or insaed mo long aeland mo stap long hem.

- **Lego ol samting blong yu istap mo ron**

Sevem laef blo yu, ino ol ting blo yu!

- **Yu no dipen long ol rod**

Taem we yu stap ronwe lo sunami we hedkwek I mekem, samtaem rod isave brok o ol samting ol blokem o fulap trak I mekem rod I paspas.

*Wanem blo mekem taem  
wan sunami istap kam...*

## **RON IKO LO MEDEL BLO AELAN O LO WAN PLES WE I HAE!**



You no wet lo radio o wan man blo talem lo yu!

You kamaot lo ples we I kolosap lo solwora kwik taem!

Muv iko insaed mo lo aelan o lo wan hil o hae ples!

Yu ron spos yu luk wan sunami istap kam!

Ting hevi long ol toktok mo woning we ikamaot!



Project ia hemi funded by NZAID mo Vanuatu Meteorology and Geo-hazad Dipatment nao I implementem. Blong kasem mo information, visitim Vanuatu Geo-hazards Website long : [www.geohazards.gov.vu](http://www.geohazards.gov.vu) or email long: [geohazards@meteo.gov.vu](mailto:geohazards@meteo.gov.vu)

- **Go lo ruf o las flo antap long wan haos.**

Sapos I let tumas blo ron iko lo wan hil mo sunami istap kam finis, yu ko lo las flo antap long wan stori haos we I strong o ko long ruf blong haos ia.

- **Klaem ap wan tree**

Sapos yu stap lo ples we ino hae mo I tu let, yu klaem ap wan strong tri mo holem tri ia strong.

- **Klaem ap lo wan samting we I strong**

Sapos sunami I kasem yu mo I swipim yu, hang long want samting we I save flot antap long wota.

- **Bae ol sunami wev ia bae oli livim bihaen fulap toti**

Sunami wev I kam mo ko bak I save livim bihaen fulap toti olsem sanbis, ol pis timber, kapa blo haos, mo ol ded bodi blong man mo animol.

- **Hedkwek I save mekem draonem o leftem ap ol ples kolosap lo solwota.**

Wan bigfala hedkwek isave draonem ol ples kolosap lo solwota mo mekem wota I fulap long o ples ia.

- **Tingbaot ol nara man**

Sapos ol family or fren blo yu oli nidim help, yu lukluk long olgeta tu.



# Yu mas kat save long ol sunami!

1. Ino everi hedkwek oli mekem sunami be fulap oli save mekem. Taswe taem wan hedkwek I hapen, yu stanbae blo harem sapos ikat eni mesej ikam se bae I kat wan sunami.
2. Hedkwek hemi wan long ol woning saen blong sunami. Sapos yu filim wan strong hedkwek, yu no mas stap kolosap long solwota. Stap long we long solwota kasem taim we meteo mo geo-hazad (VMGD) oli talem se hemi oraet.
3. Sunami hemi no wan wev nomo be hemi fulap wev we oli folem olgeta. Ol wev ia oli karem bigfala wota we isave kavaremap bigfala ples andanit wota. Ol wev we oli kam afta long fes wev isave bigwan bitim fes wan.
4. Yu no ting nating long smol saes blo wan sunami taem we hemi stap long we long so yet. Taem ikam kolosap long so, saws blong hem isave bikwan bitim wantem we yu expectem.
5. Ol bot, kenu mo sip ol mo sef taem oli stap long dip si, bitim we sapos oli stap anka long wof. Be yu no mas tarem blong tekem bot blong yu iko aot long dip si taem we yu luk wev or sunami istap kolosap finis. Yu lego bot o kenu blong yu long sanbis o wof, mo yu ron iko antap long hill o wan sef ples.
6. Ting hevi mo tekem ol woning we iko aot long pablik about sunami. Long May 1960 61 amn oli bin ded long Hawaii from se oli no bin tekem woning we kamaot.
7. Everi sunami wev oli denjares. No traem blo surf or ski lo wan wev blo sunami.
8. Long taem blong wan tsunami emejensi, VMGD, NDMO, police, mo ol nara emejensi grup bae oli traem blong help blong sevem laef blong ol man. Plis sapotem mo wok wetem olgeta.

## Ol saen blon wan sunami:



### 1. Graon I seksek strong:

Yu FILIM graon iseksek? Ol strong local hedkwek oli save mekem sunami.

### 2. Solwota I drae

You LUK solwora I drae? Taem wan sunami istap kam so, bae solwora I drae mo bae yu save luk flo blo solta istap long klia ples, rif isave kam antap mo ol fis tu. Yu no mas ko pikim ap ol fis lo rif taem yu luk saen ia!

### 3. Wan dip mo strong nois ikam long solwora

Yu HAREM wan strong nois we I kam long solwora? Bae yu save harem se aktiviti blong solwora hemi no nomol. Taem we bigfala wota I muv ikam long so, bae nois we mekem hemi olsem engine blo wan bigfala plen.

### 4. Ol animol oli soen ol saen we hemi no nomol

Plante taem ol animol olsem ol dog mo pijin oli save mekem sam saen we I difren taem se oli se bae wan sunami o denja istap kam.

## Ol lessen blong Bay Martelli

### sunami 1999



Long Novemba 26, 1999, long 3.21 GMT, ol sentrol aelan blong Vanuatu, espeseli nao aelan blong Ambrym mo Pentecost oli fesem wan bigfala hedkwek we saes blong hem i kasem 7.5 magnitude. Wan sunami i bin folem we i kilim wan total blong 10 man, i leftemap east saed blong Ambrym ova long 1 meta mo tu i damejem ol haos, rod, jios, skul, maket, tank blo

wota, mo mekem plante graon i brok mo foldaon.

Long Bay Martelli, hemia long South Pentecost ikat 5 man i ded. Sunami i swipim everi samting long vilij mo lego jios nomo istanap. Sam man oli luk solwora istap drae iko bitim nomol mak blo hem kasem samples 200m. Afta long hemi, 3wev oli folem olgeta oli kam. Solwora i muv iko insaed long aelan ia i bitim 1 kilometa. Solwora we i kavaremap so mo vilij ia hemi 6-7m dip. Ol man long vilij ia oli bin obey mo tekem ol woning saen we oli luk raon long olgeta, taswe oli gat janis blong muv aot kwik taem iko long wan ples we i hae mo i sef bifo sunami i kam.

